

**Shamsul Iskandar: Saya didokong Azmin, semua ahli
Malaysiakini.com
September 16, 2010**

Ketua Pemuda PKR Shamsul Iskandar Mohd Akin hari ini mengumumkan bertanding merebut jawatan naib presiden dalam pemilihan parti itu hujung tahun ini.

Katanya, keputusan itu diambil supaya orang muda dapat melangkah setapak lagi ke atas bagi memainkan peranan lebih penting dalam mempromosikan demokrasi dalam PKR.

Peguam muda itu mengumumkan kesediannya itu dalam satu sidang media di Kampung Baru sebentar tadi.

Menurut Shamsul lagi, PKR memerlukan lebih penyertaan orang muda dan wanita di peringkat naib presiden memandangkan pencapaian mereka dalam pilihan raya umum dua tahun lalu memberangsangkan.

"Mereka kini berkhidmat sebagai ahli parlimen dan ADUN. Dan saya tegaskan, tiada seorang pun orang muda yang melompat parti," katanya.

Ditanya sama ada beliau mendapat dokongan Naib Presiden PKR Azmin Ali bagi bertanding jawatan itu, Shamsul sambil senyum berkata:

"Saya dapat sokongan daripada Azmin dan semua anggota parti."

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/142815>